



国家清史编纂委员会·档案丛刊

清代中南海档案

14

政务活动卷十四

国家清史编纂委员会·档案丛刊

清代中南海档案

14

政务活动
卷十四

中国第一历史档案馆 编

西苑出版社



光緒（二十年八月——十二月）

（二十一年閏五月——十二月）

第十四册 目录

政务活动卷(十四)

光緒(二十年八月—十二月 二十一年閏五月—十二月)

光緒二十年八月.....一

九月.....六六

十月.....一三四

十一月.....二三

十二月.....二七六

光緒二十一年閏五月.....二七九

六月.....三三

七月.....三四二

九月.....三四七

十月.....三四九

十一月.....三八七

十二月.....四八

光緒二十年歲次甲午八月初一日乙巳

上詣 儀鸞殿

慈禧端佑康頤昭豫莊誠壽恭欽獻皇太后前請安

內閣奉

諭旨本年值更換學政之期除浙江學政徐致祥福建
學政王錫蕃山東學政華金壽毋庸更換外順天學
政著徐會灃去江蘇學政著龍湛霖去安徽學政著

李端遇去江西學政著黃卓元去湖北學政著龐鴻文去
湖南學政著江標去河南學政著徐繼孺去山西學政著
錢駿祥去陝西學政著趙惟熙去甘肅學政著劉世安
去四川學政著吳樹棻去廣東學政著惲彥彬去廣
西學政著馮金鑑去雲南學政著姚文倬去貴州學政
著嚴修去奉天府府丞兼學政著李培元調補所遺
詹事府少詹事即著張英麟調補

軍機大臣面奉

諭旨此次簡放學政各員著自本月初八日起每日二員分
日遞摺謝恩預備召見如遇出宮行禮拈香及外膳等
日期是日應行召見之員即改於次日預備其餘各員
以次遞推

初二日丙午 卯刻

上詣 中和殿

閱視

祝版畢

駕還涵元殿

詣 儀鸞殿

慈禧端佑康頤昭豫莊誠壽恭欽獻皇太后前請安

內閣奉

諭旨李文田奏請獎教官一摺據稱懷來縣學教諭王煜等或移風易俗有資吏治或訓迪有方士林推服等語懷來縣學教諭王煜著以知縣升用正定府學教授王維德著賞加五品銜以昭激勸該部知道又奉

諭旨徐會灃現出學差工部右侍郎兼管錢法堂事務著李文田兼署又奉

諭旨龍湛霖現出學差刑部右侍郎著汪鳴鑾兼署

又奉

諭旨禮部右侍郎李文田著仍在南書房行走

初三日丁未 卯刻

上詣

先師孔子廟行禮

前期齋戒二日

駕還涵元殿 卯刻

詣中和殿

閱視

祝版畢

詣 儀鸞殿

慈禧端佑康頤昭豫莊誠壽恭欽獻皇太后前請安

初四日戊申 卯刻

上詣

社稷壇行禮

前期齋戒三日

駕還涵元殿

詣 儀鸞殿

慈禧端佑康頤昭豫莊誠壽恭欽獻皇太后前請安

初五日己酉

上詣儀鸞殿

慈禧端佑康頤昭豫莊誠壽恭欽獻皇太后前請安

內閣奉

諭旨吳大澂奏大員在籍病故代遞遺摺懇恩賜卹一摺前
任甘肅新疆巡撫劉錦棠秉性忠勇卓著勲勤同治
年間隨同劉松山剿辦回匪接統湘軍克復金積堡

身經數十戰屢破回巢廓清關隴由道員忝擢京卿授
為欽差大臣督辦新疆軍務運籌決策悉合機宜於
撫輯民回創辦屯墾事務尤臻妥協補授甘肅新疆巡
撫賞加尚書銜辦理新疆善後及地方事宜均能悉
心規畫勞瘁不辭前經迭次懇請終養賞假回籍省
視旋以丁憂開缺本年正月欽奉

懿旨晉封一等男爵六月間有旨召令來京方冀長資倚畀

遽聞溘逝悼惜殊深劉錦棠著照巡撫例賜卹加恩予
諡准其於立功省分建立專祠生平戰績事實宣付國
史館立傳賞銀一千兩治喪由湖南藩庫給發任內一切
處分悉予開復應得卹典該衙門察例具奏伊子監生
劉道謙著以員外郎用優增生劉篤烈著賞給舉人
准其一體會試伊孫劉家璠著以主事用以示篤念蓋
臣至意又奉

諭旨長順奏副都統患病懇請開缺據情代奏一摺黑龍
江副都統文全著准其開缺又奉
旨黑龍江副都統著景祺補授